

Hudning iymoni



15:00 / 30.01.2021 1835

Od qavmi javob topa olmadi. Hudga qanday javob berishni bilmay qoldilar. Ular ojiz qolganlaridan: «Ilohlarimiz senga g‘azab qilgani uchun, aqlingga kasallanib, aynib qolgan. Sening ustingda, ilohlar tomonidan yog‘ilgan ofat turibdi», deyishdi.

Hud: «Albatta bu butlar toshdir, hech kimga zarar ham foyda ham bermaydi. Albatta bu butlar toshdir, gapirmaydi, eshitmaydi va ko‘rmaydi ham. Albatta bu butlar, yaxshilikka ham yomonlikka ham ega emas. Biror kishiga foyda ham zarar ham yetkazishga qurbi yetmaydi. Sizlar ham yaxshilikka va yomonlikka ega emassiz. Sizlar menga foyda ham zarar ham yetkazishga qurbingiz yetmaydi. Albatta men ilohlaringizga iymon keltirmayman va ulardan qo‘rqmayman ham. **«Men sherik keltirayotganingizdan pokman»** (Hud surasi, 54-oyat) Sizlardan ham qo‘rqmayman. **«Bas, hammangiz menga qarshi hiyla qilaveringlar»** (Hud surasi, 55-oyat). **«Albatta, men Robbim va Robbingiz bo‘lmish Allohga tavakkal qildim»** (Hud surasi, 56-oyat). Barcha ishlar uning qo‘l ostidadir, uning iznisiz bir yaproq ham to‘kilmaydi», dedilar.

Abul Hasan Ali Hasan an-Nadaviy

Tarjimon Anvar Ahmad